



4. marts 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

- 1. Nukissiorfiit isertitakinnerusimanera innaallagissiorfinnik pitsaasumik aserfallattaaliiginnarsinnaanermut qanoq kinguneqassava taamaasillunilu aamma pilersuinerup isumannaatsuunissaanut? Takorloorneqarsinnaanarluni atuisut ilaasa piffissami sivisuumi innaallagiaqaratik, imeqaratik kiassanermillu pilersorneqaratik pisarsinnaanissaat innaallagissiorfiit qameqattaarnerat pissutaalluni?**
- 2. Nukissiorfiit isertitakinnerusimanera nalikilliliinerit illuatungilerumallugit aningaasaliisarnissap kiisalu ataavartumik nukissiornermi atortunut aningaasaliisarnissap aningaasassaqtinnissaanut qanoq sunniueqassava?**
- 3. Qanoq iliorluni qularnaarneqassava soorlu assersuutigalugu erngup nukinga atorlugu innaallagissiorfinnut il.il. nutaanik aningaasaliissuteqarnissap akissaqartinnissaa?**
- 4. Nukissiorfiit ulluinnarni aningaasatigut ingerlaneranut akit assigiittussaataitanerat qanoq sunniuteqarpa?**
- 5. Suliamut tunngasunik allanik soqutiginaatilinnik naalackersuisut paasissutissiisinnaappat?**
(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Nukissiornermut Imermillu pilersuinerumut pilersaarummut immikkoortumut ilanngullugu innaallagissap erngullu akingat appartinneqarpoq 1. januaari 2018 aallarnerfigalugu. Sumiiffiit ilaanni allaat aki affaanngortinneqarpoq tamannalu malunnaarnerpaasimavoq najugaqarfinni innaallagissiorfeqartuni dieselitortunik. Assigiimmik akeqartitsineq maannamut atuussimalerpoq ukioq ataaseq sinnerlugu.

Aningaasaqarneq eqqarsaatigalugu qularutissaagunangilaq Nukissiorfiit isertitaata ikileriarujussuarnerat sulliviup aserfallattaaliisinnaaneranut innaallagissiorfinnilu atortunik taarsersuisinnaanermut sunniuteqarumaartoq. Qaavatigut Nukissiornermut Imermillu pilersuinerumut pilersaarummi immikkoortumi malunnartumik anguniagaavoq nutarterinissaq taamatullu ataavartumik nukissiuutitut nutaanik aningaasaliisoqarnissaa qaavatigullu imeqarfinnut nutaannut.

Akinik appaanerujussuit piffissami sivisuumi atuisunut Nukissiorfinnullu sunniuteqarnerlunnginnissaat pillugu kissaatigaara qulaani apeqqutima akineqarnissaat.



DEMOKRAATIT
DEMOKRATERNE

Ullut sulliviit qulit nalinnaasut iluanni apequtinnut akissutit tiginissaannut qilanaarpunga.